


Historian's Office Library

**The Church of Jesus Christ
of Latter-day Saints**

12.1.17
M205.5 ~~Rare~~
419W5 **Call** M205.5
v.8 **No.** U19W
Items by v.8
1855

Plate 31

\



Presented to
The Church Historian Office
Great Salt Lake City, U.S.
by the Author,
Sam Jones.

Udgorn Seion Office
Swansea, Wales,
Janr. 4 / 1856.

Digitized by the Internet Archive
in 2011 with funding from
Corporation of the Presiding Bishop, The Church of Jesus Christ of Latter-day Saints

UDGORN SEION,

NEW

SEREN Y SAINT;

YN CYNNWYS

ÆGWYDDORION "GORUCHWYLIAETH CYFLAWN-
DER YR AMSEROEDD,"

NEWN

TRAETHODAU, LLYTHYRON, HANESION,
PRYDYDDIAETH, &c.

"A mi a osodais wylwyr arnoch chwî, gan ddywedyd, Gwrandewch ar
-sain yr udgoru."—JER. vi, 17.

"Moll drigolion y byd, a phreswylwyr y dddear, gwelwch pan gyfodo efe
fau'r ar y mynyddoedd, a chlywch pan udgauo ag udgorn."—ISA. xviii, 3.

CYFROL VIII.

ABERTAWY:

ARGRAFFWYD, CYHOEDDwyD, AC AR WERTH GAN D. JONES.

1855.

Tra y gwelir ymbleidiau, cenfigenau, a gau-grefyddau wedi gwau sachlen ddu dew i andoi wynebpryd awyrgylch gwlad anghrist â chaddug, drwy yr hon ni thewyna belydr o oleuni "Haul cyfiawnder" yn uniongyrchol, arweinia *Seren y Saint* bererinion blant y nef o gam i gam drwy ddyrys anialwch y byd i'w nhoddfa glud i blith "sâr y boreu" yn Seion.

Tra y mawrygwn ein braint fwy-fwy, o gyfrol bwy gilydd o gael cyd-filwrio a'n cyd-filwyr, crefwn eu cymhorth i udganu yn groewach a phereiddiach ar *ddechreu* ein cyfrol ddyfodol, ar nad pwy udganwr a'i diwedda.

"Adref, adref, blant yr Arglwydd,
Galwad sydd i dd'od yn ebrwydd,"

fydd blaenaf, uchaf, ac olaf lais eich HUDGORN, nad pwy a fo, nes adref y delo y gwanaf o blant Seion. Sain cywir, sŵn clir, a grymusder y gwir i dreiddio i galonau ein darllenwyr rhodded Nêr i bwy bynag a chwytho drwy HUDGORN SEION yw, ac a fydd taeraf ac olaf weddi, eich—

GOLYGYDD.

AI DWYFOL OEDD CENADWRI JOSEPH SMITH ?



MAE yr holl gyhoeddi, y darlithio, a'r rhybuddio i ochelyd rhagom, yr holl gam-gyhuddo, yr erlid, a'r diystyru sydd arnom, ynghyd â sêl ac ymroad diffino y Saint i argyhoeddi y byd, o erwired eu tystiolaeth, ac ymchwiliad treiddgar a diwyd y rhai gonest o galon o blith pob gradd a sefyllfa iddi, oîl yn gynnifer o ffeithiau prawfiadol o ddyddordeb ein testun, ac yn profi y teilynga yr *aches* o'r holl gynnwrf a'r canlyniadau anghydmarol hyn arholiad diduedd, buan a thrwyadl. Mae ein gwlad, a'r byd, hyd y clywsant am enw y person hwn, fel wedi ymddeffroi o gysgadwr ydd oesoedd,—ymfyddinant yn wirfoddol a dewr, naill a'i o'i blaid neu i'w erbyn. Ychydig ac anaml yw y rhai amhleidiol. Ceir ei enw a'i goffadwriaeth mor hoff a pharchus gan y naill ag yw yn gân a gwarthus gan y rhai arall o'r byd; ac y mae y cynhwrf yn cynnyddu gyda chyflymdra digyffelyb. Mae y cyffroad yn ormod eisoes i neb ymguddio o'r arholiad,—“ei fod islaw eu sylw;” canys mae y sylw mawr a wna ei wrthwynebwyf o hono yn awgrymu fod proffes Joseph Smith o'i ddwyfol ddanfoniad yn bwysig iawn; ac y teilynga ystyriaeth ac arholiad cyd-bwysig â hyny sydd resymeg orfodol ar y meddwl diragfarn, heblaw fod ei ganlynwyr, y rhai a'i hadnabyddant ef oreu, yn tystio y cynnwysa ei genadwri ef hyndodion yr oesau a dirgelion Duw, a'i bod yn arogl o fywyd i fywyd neu o farwolaeth i farwolaeth i bawb a'i clywo.

Cydnabyddia Beibl gredwyr yn rhwydd y dylai holl drigolion y byd wrando pan lefaru yr Arglwydd o'r nefoedd, ac fod eu cysur a'u lles, i.e., eu bywydau yn ymddihynu ar gredu yn, ac ufyddhau i'w orchymyn nad pa mor groes y dichon fod i'w teimladau a'u credodau blaenorol. Dyfethwyd personau, trefydd, gwledydd, i.e., byd, oddieithr wyth enaid, un tro, o herwydd di-
[Pris 1q.]

ystyru cenadwri Duw am “dwyll dyn ynfyd.” Ymddygiad pob un at genadwri ddwyfol yn mhob oes a sefydla ei dyngهد yn dragywyddol; a phob diystyrweh ar ei was anfonedig a ystyria Duw yn ddiystyrweh arno Efe ei hun.

Nid awgrymwn fod *haeriad* dyn ei hun, yn anymddibynol ar brawfiadau, yn ddigonol brawf o'i ddwyfol ddanfoniad; eithr mae ei *broffes* o hyny yn teylngu ymchwiliad iddi, ai gwir ynte anwir ydyw. Nid oes hanes am was i Dduw a ddaeth i'n daear heb haeru ei ddanfoniad, ac y mae yn flaith hefyd na ddanfonodd Duw erioed was i'r byd gyda chenadwri y gallasai y byd gael eu twyllo ganddo ef na chan ei genadwri. Duw ei hun ac nid ei was sydd i brofi dwyfoldeb ei anfoniad a geirwir-edd ei genadwri—ni ddywedodd Duw wrth un o'i weision erioed “Ddos i'r byd a phrofa i'r bobl ddarfod i mi dy ddanfon.” Naddo, meddwn, ni ddysgwyliodd i ddyn brofi dwyfoldeb—dynol yw yr oll a all dyn wneuthur ar y goreu; rhaid cael Duw i brofi dwyfoldeb, a chan mai dwyfoldeb danfoniad Joseph Smith yw ein ewestiwn, os nad oes prawfiadau o hyny i'w cael gan Dduw, gwrthoder ei haeriad am ryfyg, ac yntau am dwyllwr; eithr, os dichon Joseph Smith roddi cyfarwyddiau pa fodd y gall y darlennydd gael gan Dduw brofi dwyfoldeb ei genadwri ef tu hwnt i bob dadl, bydd Duw ac *nid dyn* wedi profi drwy hyny mai Efe a ddanfonodd Joseph Smith; ac ni fyddai holl haeriadau, chwedlau, a chywreinerwydd holl ddynion y byd i gyd yn ddigonol i wrthbrofi flaith ddwyfol brofedig. A gynnygia rhywun o'r doethion, y Parchedigion a broffesant fod o ddwyfol ddanfoniad, neu flaenr plaid drwy ein gwlad na'r byd gyfarwyddo ei afyddion fel yr addawa Joseph Smith, pa fodd i gael sierwydd gan Dduw o'i ddwyfol ddanfoniad? Os na wnant, rhaid cyfaddef fod Mr. J. Smith yn fwy *annhebyg* i dwyllwr nag yw pawb na wnant hyny.

Gwahaniaetha cenadwri ddwyfol, o enau gwas ysbrydoledig, mor fawr oddiwrth genadwri ddynol, fel mai hawdd yw i garwr y gwirionedd, a geisio, ei ganfod;—treiddia idd ei feddwl megys cleddyf dau-finiog, dad-wreiddia o'r galon gau draddodiadau, a thrywana wythienau heiarnaidd hen gredoau a chyfeiliornadau a gyssegrwyd drwy henafiaeth, ac a wnaed yn barchus a phobl-ogaid gan ddoethineb ddynol. Ysgara, gyda manylrwydd perffaith, rhwng gwirionedd a chyfeiliornad—rhwng dysgeid-

iaeth Crist ag athrawiaethau dynion; ddymchwela gyda rhwyddineb bob rhesymeg a ddwg doethineb ddynol i'w herbyn. Diflana yr holl opiniynau, credoau, a'r cyfundraethau a ffurfiwyd gan ddoethineb ddynol yn eu bathroftiau a'u colegau o'i blaen, megys y diflana gwlith y boreu o flaen pelydrau yr haul—suddant oll i ebergoftant mewn gwrthgyferbyniad i genadwri uniongyrchol o'r nef, yr hon a allwyrcha oleuni i'r meddwl goaest megys tanbeidrwydd haul canol dydd, ac a ddywed yn nghlystiau ei hymchwiliwr, “Dyma'r ffordd, rhodia yuddi.” Tra mai oriau ar y goreu yw cynnysgaeth dynol athrawiaethau, “*Sicrwydd* mawr yn yr Ysbryd Glân,” a gwybodaeth o'i dwyfoldeb yw ei phrif nodwedd hi, o'r hwn ni adawa ei hufydaion yn amddifad; y mae hi mor wahanol i genadwri ddynol, fel na chyssyllta, ni chymmysga, ac ni fŷn unrhyw gyfeillach â neb o honant erioed; defara, “*Fel hyn medd yr Awgwrdd*,” gyda dwyfol awdurdod; a hŷna ufydd-dod gan bob gradd a phob cenedl. A ufyddhao iddi hyd y diwedd a fydd cadwedig; a'i gwrthodo a gondemnir, nad faint ei gyfiawnder a'i ddioni blaenorol—ni chaniateir *un eithriad*. Y cyfryw oedd pob dwyfol genadwri a ddaeth i'n byd, ac nid Duw anghyfiawidol a ddentŷn yn groes i hyn oll; os nad cyffelyb yw genadwri Joseph Smith na chreder mai dwyfol ydyw.

I fyned yn mlaen i'r arholiad,—y cwestiwn mawr ei bwys yw, ai o'r nef ynte o ba le y mae genadwri Joseph Smith? Os Duw a'i ddafonodd goreu po cyntaf i bawb ddeall hyny. Os nadê, nid yw yr eglwys a sefydlodd yn eglwys i Dduw, eithr mae yr aseiniau o filoedd a fedyddiwyd iddi yn aros yn eu pechodau—eu haeriadau yn rhytygus—eu tystiolaethau yn gau, a llywythau o bawb y truenusaf.

Er fod cydymffurfiaid trwyadl â'r *cyllun* yn anhebgorol i gyfundrefn ddwyfol, etto nid yw yr efelychiad perffeithiaf a manylaf o'r *ffurf*, os yn amddifad o'r *gallu* a'r *awdurdod* yn brawf digonol fod ei sefydlwr o ddwyfol ddafoniad. Os na ddwg Mr. Smith well prawfadau o'i *broffes* na'r *ffurf*, na choel-ier ei fod ef yn was i Dduw mwy nag yw sefydlwyr y sectau na feddant braidd gymmal, asgwrn, na migwrn o Gorff Crist eithr o'r ddau ymocheler rhagddo, o herwydd fod ei ffurf yn fwy peryglus i hudo, o gymmaint ag yw yn debycach i'r gyfundrefn wreiddiol. Ni proffesa eglwysi ereill eu bod yn meddu

apostolion, prophwydi, efengylwyr, a gweision ysbrydoledig Duw; yr hyn sydd brawf mor eglur a chadarn ag yw eglurdeb a chadernid geirwiredd y Testament Newydd, na ddichon en bod hwy yn eglwysi i Dduw. Eithr proffesa y Saint en bod yn mwynhau yr holl swyddau a'r doniau anhebgorol er bod yn eglwys i Grist, a phroffesant eu bod yn meddu yr awdurdod anhebgorol i iawn weinyddu yn holl ordinhadau, swyddau, a gweinidogaethau yr eglwys wreiddiol, yr hyn a brawf eu tebygolrwydd i'r cynllun, hyd ag y mae y mwynhâd o'r un athrawiaethau, ordinhadau, swyddau, &c., yn brawfiadol o hyny. Yn yr holl bethau hyn, ynte, dysgodd Mr. Smith yr un pethau, ac efelychodd weision Duw yn y cyn oesoedd; ac hyd yma ni ellir cael tystiolaeth o'r Testament Newydd yn erbyn dim o'i genadwri; hyd yma saif neu ewymp ei ddwyfol ddanfoniad ef ar yr un sail ag y saif awdurdod awduron hwnw; ac un-peth yw gwrthod eglwysi y naill a gwrthod eglwysi y llall o ran eu ffurf a'u proffes.

Un peth sydd sicr a hunan-eglur, sef, pe na bnasai prawfiadau ychwanegol o ddwyfol ddanfoniad Mr. Smith. na'i efelychiad perffaith o'r eglwys a addefir yn ddwyfol gynt, ni ddichon neb wrthbrofi ei genadwri drwy ysgrythyr; eithr y mae ei genadwri yn anffaeledig nad faint oedd brychau *tybiedig* ei gymmeriad ef. A ellir dweyd hyn mor briodol am ryw genadydd arall a draethodd ei genadwri neu a sefydlodd gyfundrefn yn ein gwlad, neu yn unrhyw wlad arall, er's dan cant ar bymtheg o flynyddau? Na ellir yn ddiau, onite dangoser y prawf fel y gwneir yma. Er fod dynion daionus, o awydd i wasanaethu Duw ac i lesoli eu cyd-ddynion, lawer o honynt, wedi sefydlu cyfandraethau a chymdeithasau drwy ddoethineb ddynol, mae eu hathrawiaethau cymmysgedig o wir a gau, a'u croes-farnau am ordinhadau a phwysicaf bethau eglwys Dduw, yn gyfryw na oddefant brawf dwyfol ysbrydoliaeth am eiliad; ymddangosai cyfeilliornadau yn rhy eglur i'w cuddio—rhyw beth yn ormod neu rhy brin—anghydffurfiad â'r cynllun,—cam-weinyddiad neu esgeulusdod hollol o ryw ordinhad, neu ryw wyr-gamrwydd arall a arddangosai mai *dyn*, nad Duw a'i gwnaeth. Ac yn awr, wedi fod holl ddoethineb ddynol goreuon hyd yn dyfeisio, yn myfyrio, ac yn ymdrechu eu goreu hyd oesau lawer i osod sylfaen eglwys i Dduw, ar yr hon y gellid adeila

yn effeithiol, ymdeffrown yn nghanol allyneiddiweh i glywed hanes eiaddedigaeth eu sefydlwyr o dan garneddau eu hadeiladau, a'u hollynwyr naill a'i yn ceisio ail-sefydlu cof-adeiladau o'r gwreiddiol, neu bob un drosto ei hun yn ddefnyddio a fŷno o'r hen feini a chymmrwd i adeiladu yn ol ei ddyfais ei hun, y rhai yn feunyddiol a fahuriant—a holltant yn gyrbibion, ac a brofant na ddeil yr hen ddefnyddiau dynol danbeidrwydd dwyfol wres, na daargrynfâu moesol y dyddiau diweddaf—cysgodau y gwill ydynt, a drychiolaethau heb nemawr debygolrwydd i'r hen *ffarf*, heb sôn am eu hamddifadrwydd o'i *gallu* hi. Pa fodd y dygwyddodd hyn oll? Os twyllwr oedd Mr. J. Smith, o ba le y cafodd gymmaint mwy o ddoethineb nâ'r oll o'i gyn a'i gyd-oeswyr? Pwy a'i cynnysgaethodd â doethineb ac â gallu anhebgorol er sefydlu eglwys yn hollol gydweiddol â'r hen bortread dwyfol? Pa fodd y gallasai twyllwr ragori mor fawr ar holl ddoethineb grynoedig dwy ganrif ar bymtheg fel ag i greu cyfundrefn wahanol i bob un arall dan y nefoedd, ac etto yn hollol gydweiddol â'r gyfundrefn a sefydlodd Iesu a'i ddysgyblion i bob manylrwydd, yn mhob rhan o honi? Beth! twyllwr yn cafnod dwy dywyllwch dudew yr oesoedd, ac yn cyhoeddi athrawiaeth berffaith yn mhob ystyr, yn erbyn yr hon ni ellir dwyn un prawf ysgrythyrol! Byddai hyny yn wyrth na chlywsom am ei chyffelyb yn hanesyddiaeth ein byd!

Mae *pardeb* ac *amffurddigrwydd* athrawiaeth y Prophwyd newydd hwn yn dystiolaeth gymhariacthol, o gryn deilyngdod, i brofi ei ddwyfol ddanfoniad.

Etto ni chaniatawn fod hyd y nod *athrawiaeth berffaith* yn brawf digonol o ddwyfoldeb danfoniad ei sefydlwr hi. Gallwn amgylfred y posiblwydd, er mud yw yn debygol, i ddyn ddysgu athrawiaeth ddigymmysg a chyfeiliornadau, a bod yn amddifad, er hyny, o'r *ardurddod* anhebgorol er iawn weinyddu ei hordindadau. Dysgodd Swedenborg, Irvin, Luther, Calvin, Knox, Wesley, Campbell, a llu o ddiwygwyr enwog ereill egwyddorion a gymwysent gyfartalwch o wirionedd, etto yn gymmysgedig a chyfeiliornadau, yr hyn a wrthbrofa eu dwyfol ddanfoniad, hyd y nod pe cyflawnasent wyrthiau. Nid oes genym enghraifft mewn hanesyddiaeth o athrawiaeth berffaith yn mhob ystyr wedi cael ei dysgu gan neb, oddieithr ei fod o ddwyfol ddanfoniad; ac un-peth yw dweyd fod Mr. Smith yn

Dwyllwr ar ol iddo wnethur hyn oll a dweyd ei fod wedi cyflawni gwrth drwy hyny. Pe dysgasai Mr. Smith athrawiaeth gyfeiliornus mewn unrhyw ystyriaeth, gortodasid ni i'w gwrthod am dwyllwr, hyd y nod pe, fel swynwyr yr Aifft, y troiasasai afonydd yn waed, pe y creuasai lyffaint dirif, neu pe, fel Dewines Endor, y cyfodasai y marw o'i fedd. O'r ochr arall, os dysgodd efe athrawiaeth bur a pherffaith, mae yn bosibl i'i fod wedi cael ei ddanfôn gan Dduw, pe na wnaethai yr un wyrth mwy nag y gwnaeth Ioan Fedyddiwr, y Prophwyd Noë, a llawer ereill ag y dywed yr Hen a'r Newydd Destamentau eu bod yn weision i Dduw.

Dysga yr ysgrhythrau ni fod Dduw wedi danfôn amryw brophwydi enwog yn y cyn oesoedd gyda chenadwriaethau a gynuwysent dyngهد breninoedd, teyrnasoedd, a chenedlaethau; anufydd-dod i barai a ddygai ddannedigaeth: ac etto, nid oes hanes fod y rhai hyny wedi cyflawni unrhyw wyrth. Pa ddyn a geir ddigon doeth a galluog i brofi athrawiaeth Mr. Smith yn gyfeiliornus? Gwir fod lluoedd wedi profi eu hunain ddigon ffol i haeru hyny, ac wedi gwneyd yr oll a allent i'w phrofi yn gyfeiliornus; eithr pa-le y mae heddyw y concwerwr a ennillodd y fuddugoliaeth? Gwir ddarfod i lawer coegldyn hunanot ddyfod i'r maes yn ei herbyn ag ystorïau anwireddus achwedlau disail an ei gymmeriad ef, a chyhoeddi ei thrane, ei ehladdedigaeth, a chanu ei mharwnad; eithr erbyny lladdai efe ei hun, wele arall yn y maes yn ymorchestu mai efe a roddai y clwyf marwol iddi, ac mai eelwydd a haerasai ei ragflaenydd. Ac oni chedwir ein gwlad mewn dwndwr a berw rhyfel yn erbyn "Mormoniaeth" o hyd,—pawb yn ei gwrthbrofi; pob cawr yn ei lladd hi yn ei dro; ac er pob peth,—ei bod hi yn ddigon byw o hyd i arswydo coel-grefyddwyr, sydd ffaith a brofant eu hunain drwy eu gwrthryfel. Eithr, meddwn etto, pwy fawr ddyn a'i profodd yn gyfeiliornus? Abolaisia y cerrig mewn atebiad—pwy!

Pwy a ddichon ddangos gwahaniaeth rhwng dysgeidiaeth Mr. Smith a dysgeidiaeth Crist a'i apostolion? A ddysgasant hwy fedydd edifeirwech er maddemant pethodau? Felly y dysgodd Mr. Smith, A arddodent hwy ddwyllaw er cyflwyno dawns yr Ysbyrd Glân? Felly y dysgodd Mr. Smith. A ddywedasant hwy fod apostolion, prophwydi, efengylwyr, hageit

iaid, athrawon, esgobion, hennuriaid, &c. ysbrydoledig yn anhebgorol yn eglwys Crist? Felly yn gywir y dywedodd Mr. Smith. A ddysgodd y Saint cyntefig yr angher rheidrwydd o fwynhau dadguddiadau newyddion, gweledigaethau, gweinidogaethau angylaidd, dawn iachân, llefaru â thafodau newyddion, cyfleithu drwy yr Ysbryd, prophwydo, a'r holl ddoniau ysbrydol ereill yn yr eglwys? Felly yn gywir y dysgodd y Prophwyd mawr olaf hwn. Pa le ynte mae anghydfurfiad ei ddysgeidiaeth ef â'r eiddynt hwythau? Nid ellir ei gael. Mae *dysgeidiaeth* y naill mor berffaith ag yw *dysgeidiaeth* y lleill; ac meddan etto, mae y cydgoriad perffaith hwn mewn dysgeidiaeth yn dystiolaeth gref fod Mr. Smith wedi cael ei ddanfong gan Dduw.

Yn ail. — Pa fodd y tystiolaetha Mr. Smith ddarfod iddo gael goruchwyliaeth o'r efengyl? Tystia fod un o angylion Duw, enw yr hwn yw Moroni, wedi ymddangos iddo; fod yr angel hwn yn un o'r hen brophwydi a fu yn mhlith gweddillion Joseph ar gyfandir yr Amerie. Tystiodd fod Moroni wedi amlygu iddo pa le y cuddiasai efe oraclau cyssegredig ei genedl, er ys tua phedwar cant ar ddeg o flynyddan yn ol; fod yr oraclau hyn yn cynnwys "*cyflawnder yr efengyl*," megys ei dysgwyd gynt gan y gangen hon o dŷ Israel. Rhoddodd allu i Mr. Smith i amlygu cynnwysiad y croniclau hyn i genedloedd y ddaear. Yn awr, pa fodd y cyduna tystiolaeth Mr. Smith am y peth hyn â dadguddiad Ioan ar Ynys Patmos? Ioan a brophwyda (Dad. xiv, 6) mai drwy weinidogaeth *angel* o'r nef yr adferid yr efengyl dragywyddol i'r ddaear. Tystia Mr. Smith ei fod ef wedi derbyn goruchwyliaeth yr efengyl gan *angel*. Traddodai y naill brophwydoliaeth tystiai y llall y *cyflawniad* o honi. Er i Mr. Smith ddwyn athrawiaeth bur, pe dywedasai nad gan angel y derbyniodd efe hi, gallasai pawb ddeall wrth hyny mai twyllwr a fuasai. Os twyllwr oedd Mr. Smith, pa fodd y gallnogwyd ef, nid yn unig i ddysgu athrawiaeth berffaith, eithr i ddeall befyd drwy ba gyfrwng yr adferid yr athrawiaeth hono i'r ddaear? Os twyllwr oedd, pahan y dewisodd dystio mai angel a'i cyflwynodd, tra y gwyddai fod dyfodiad angel yn beth mor anhygoel ac annihoblogaidd yn ngolwg ei gyd-ddynion? Pe twyllwr ddigon doeth i ddysgu athrawiaeth berffaith, pa fodd nad oedd ddigon doeth i ddweyd

ei fod wedi ei chael hi drwy ryw ddull mwy credadwy yn ngolwg y byd? A fu Mrd. Irving, Wesley, y Pab, Mahomet, neu ryw dwyllwr mewn oes neu wlad yn ddigon doeth, nid i ddysgu athrawiaeth berffaith, ond hefyd i dystiolaethu ddarfod iddynt ei chael hi drwy *gyfrwng angel* o'r nefoedd? Os na wnaethant felly, pe dysgasent athrawiaeth bur a santaidd, etto ni chaniataem eu bod wedi derbyn awdurdod i weinyddu ei hordinhadau. Pe dywedasai Mr. Smith iddo ddyfod o hyd i'r oraclau hyn yn ddamweiniol, a'i fod wedi cael ei ysbrydoli i'w cyfieithu drwy yr Urim a Thummim; neu pe proffesasai fod wedi derbyn ei genadwri drwy yr Ysbryd Glân, neu drwy ryw angel *arall* heblaw Moroni; neu drwy unrhyw gyfrwng neu fodd amgen nag y dywedodd, gallasid gwybod yn y fan, heb ymholiad pellach i'r peth, mai twyllwr a fuasai. Pa fodd y meddylïodd Mr. Smith am yr holl fanylrwydd dirgel hyn os twyllwr oedd? A ganfyddodd rhywun o blith holl ddoeth ddiwygwyr a duwinyddion yr oesau yr anghenrheidrwydd o'r holl gyd-ymffurfriad manwl hyn? O ba le mae ei ddoethineb mwy ef—ei ddealltwriaeth ddigryffelyb—a'i ragwelediad treiddgar—fel y rhagorai gymmaint ar yr holl dwyllwyr a fuont yn ystod y 1700 o flynyddau mynedol? Pwy na chyfaddefa hyn oll yn dystiolaethau cryffion o'i ddanfoniad uwch-ddynol?

Yn drydydd.—Ni buasai adferiad yr “efengyl dragwyddol” i'r ddaear drwy yr angel Moroni o unrhyw fudd i ddynion, oddi-eithr fod rhyw un wedi cael ei gynnysgaethu ag awdurdod i'w phregethu ac i weinyddu ei hordinhadau. Gallasai Moroni ddadguddio llyfr a gywnwysai drefn brydferth a gogoneddus yr iachawdwriaeth, eithr ni allasai neb ufuddhau, hyd y nod i'w hegwyddorion cyntaf, heb *weinyddwr o ddwyfol awdurdodiad ae ordeiniad* i'w phregethu, i fedyddio, arddodi dwylaw er cyflwyno dawn yr Ysbryd Glân, &c. Eithr a ordeiniodd Moroni Mr. Smith i'r apostoliaeth, gan orchymyn iddo weinyddu ordinhadau? Naddo. Eithr pahan na chyflwynodd *awdurdod drwy ordeiniad*, yn ogystal â dadguddio yr efengyl dragwyddol iddo? O herwydd nad ymddengys fod ganddo hawl i wneuthur hyny.

Nid yw pob angylion yn gydradd mewn awdurdod—nid ynt oll yn dal yr un allweddau. Yr oedd Moroni yn brophwyd, eithr nid oes genym hanes ei fod yn dal swydd apostol; ac, os nad oedd, nid oedd ganddo hawl i ordeinio Mr. Smith i swydd

na feddiannodd ei hunan. Diddadl iddo wneuthur yr oll a orchymynwyd iddo wneuthur, yr hyn oedd dadguddio "prent Ephraim,"—croniel ei dadau, yn cynnwys yr efengyl dragywyddol. Pa fodd, ynte, y cafodd Mr. Smith swydd apostol, gan na feddai Moroni hawl i'w ordeinio i'r swydd hono? Tystia Mr. Smith fod Pedr, Iago, ac Ioan wedi dyfod ato yn angylion gwasanaethgar, a thrwy arddodiad dwylaw iddynt ei ordeinio yn apostol, gan orchymyn iddo bregethu, bedyddio, arddodi dwylaw er cyflwyno dawn yr Ysbryd Glân, a gweinyddu holl ordinhadau yr efengyl, megys y gwnaethent hwy eu hunain pan ar y ddaear. A broffesodd Swedenborg, apostolion Irving, neu unrhyw dwyllwyr eraill yn yr oesau tywyll hyn fod yr apostoliaeth wedi ei chyflwyno iddynt gan y rhai olaf a'i mheddai—gan angel a feddai y swydd hono ei hunan? Naddo: o ganlyniad, nid ydynt apostolion, eithr twyllwyr. Pe profesasai Mr. Smith fod wedi derbyn yr apostoliaeth drwy ddadguddiad yr Ysbryd Glân, heb ordeiniad o dan ddwyllaw apostol, deallasem yn eglur mai gau a fuasai ei broffes, ac mai twyllwr a fuasai yntau. Os yn dwyllwr, pa fodd y darganfyddodd Mr. Smith hyn? Paham na ffugiasai yr apostoliaeth heb ordeiniad gan apostol, fel y gwnaeth yr Irvingiaid? Pa fodd y cafodd efe gymmaint mwy o ddoethineb nag oedd gan Mr. Irving, fel ag i ddeall na allasai efe fod yn apostol oddieithr iddo gael ei ordeinio gan apostol? Rhaid i'r sawl a grêd mai gau apostol oedd Mr. Smith, gyfaddef ei fod wedi dangos llawer mwy o ddoethineb nag a wnaeth yr holl gau apostolion a fuont o'i flaen ef, er eu holl ddysgeidiaeth a'u talentau mawrion. Onid yw hyn yn ffurfio rhesymeg gyffelybiaethol arall bur gref i brofi *dwysfoldeb danfoniad Mr. Smith.*

Mae'r fath fanylrwydd â hyn mewn cyflawniad o bethau o'r fath ddirfawr bwysigrwydd mewn gwrthgyferbyniad i'r ffaith fod miliynau wedi cyfeiliorni ynddynt o'r blaen, yn arddangos rhywbeth yn uwch-ddynol,—arddengys *ysbrydoliaeth* yr Hollall-uog. Mae purdeb athrawiaeth Mr. Smith—cydgordiad perffaith ei dystiolaeth â'r eiddo Ioan o barthed i'r *modd* yr adferid yr efengyl dragywyddol i'r ddaear, a chyssondeb ei dystiolaeth am y *modd* yr adferwyd yr apostoliaeth yn dystiolaethau cedyrn, yn gydgordiol ardderchog â, ac yn cadarnhau eu gilydd; mae ein dystiolaethau yn amlhau, ac yn cryfhau yn gyfartal i yr ym-

chwilad i bob sefyllfa ac amgylchiad cysylltiedig; ac yn gorffodi argyheuddiad braidd yn anwrthwynebol ar y meddwl fod Mr. Smith o ddwyfol ddanfoniad.

Yn bedwerydd.—Tystia Mr. Smith ei fod wedi derbyn trwy weinidogaeth angylion, nid yn unig gorachwyliad o'r efengyl a gallu ac awdurdod yr apostoliaeth, eithr profesa hefyd fod wedi derbyn, drwy ddadguddiad a gorchymyn oddiwrth Dduw goruchwyliad i gasglu yr holl Saint ynghyd o blith yr holl genedloedd. Yn awr, mae yr athrawiaeth o gasglu y Saint yn ynghyd yn y dyddiau diweddaf yn *wirioneddol* neu *gyfeiliornus*; os cyfeiliornad yw, twyllwr yw Mr. Smith o anghenrhaidd. Ni ddichon fod ei gywirdeb digyffelyb ar bob pwnc arall o'i gyfundrefu yn ddigonol i'w gyflawnhau; os yw yr un pwnc hwn, sef athrawiaeth yr ymgasgliad, yn gau, mae hynny ei hunan yn ddigonol yn ein golwg ni i'w brofi yn dwyllwr tu hwnt i ddadl. Paham hynny? O herwydd y profesa fod wedi derbyn yr un hon fel pob athrawiaeth arall o'i eiddo, drwy *ddadguddiad* a *gorchymyn* uniongyrchol o'r nef. O'r ochr arall, os yw athrawiaeth yr ymgasgliad yn un wirioneddol ac ysgrythyrol, bydd hyn yn ffurfio tystiolaeth arall a gynnorthwya nid ychydig ar yr oll a nodwyd i brofi fod Mr. Smith o ddwyfol ddanfoniad.

Dichon i athrawiaeth fod yn wirioneddol ac etto heb fod yr ysgrythyrau yn sôn gair am dani; er enghraifft, yr oedd athrawiaeth Noë o ymgasglu i'r arch,—Lot, o ffoi o Sodom, ac athrawiaeth Crist o ffoi o Jerusalem i'r mynyddoedd am waredigaeth, oll, yn wirioneddau, dwyfol orchymynedig, er hynny, ni ellid profi na gwrthbrofi yr un o henynt drwy ysgrythyrau y prophwydi rhagflaenol i hynny. Yr un mor ddichonadwy yw athrawiaeth Mr. Smith o gasglu y Saint yn y dyddiau diweddaf fod yn wirioneddol dwyfol orchymynedig, pe na fuasai un ysgrythyr yn sôn gair am y fath beth; ond ni fyddai cyhoeddiad Mr. Smith o'r athrawiaeth yn un math o brawf, o tan yr amgylchiad yna, ei fod ef o ddwyfol ddanfoniad; eithr os gellir profi fod yr athrawiaeth hon yn ysgrythyrol, hynny yw, os oes prophwydoliaethau yn yr hen ysgrythyrau yr ymgasglai y Saint newn oes benodol, drwy *ffordd* benodol, a thrwy *gyfryngau* penodedig, ac os daeth Mr. Smith yn yr oes benodol hono, gan broffesi ei fod wedi cael cenadwri i gasglu y Saint yn y *ffordd*

benodol hono, a thrwy y *cyfryngau* a ragfynegodd yr ysgryth-
yfrau, yna bydd cydgordiad perffaith a manwl proffes Mr.
Smith o dderbyniad ei genadwri, â'r prophwydoliaethau ys-
grythyrol am y fath waith nen genadwri, yn dystiolaeth gad-
arnhaol mai Duw a'i danfonodd ef.

Mae yr athrawiaeth o ymgasgliad pobl Dduw ac Israel yn
nghyd yn y dyddiau diweddaſ, yn rhy hunan-eglwyr drwy yr
ysgrythfrau i fod anghen dyfynu llawer yma er ei phrofi. Paul
a alwai yr oruchwyliaeth a gynnwysai ymgasgliad plant Duw
ynghyd yn "oruchwyliaeth cyflawnder yr amseroedd, yn yr
hon y crynbon Efe ynghyd yn Nghrist Iesu bob peth sydd yn
y nefoedd ac ar y ddaear ynddo Ef." Gesyd efe yr oruchwyl-
iaeth hon yn mhlith y dyfodol i'w oes ef, a dywed mai dwyfol
fyddai yr ymgasgliad, drwy mai "Efe," sef Duw a'i gwnelai.
Gwelodd Ioan yn mhen tua chan mlynedd ar ol genedigaeſh yr
Iesu, y pethau mawrion a rhyfeddol a gymmerent le yn ystod
canrifoedd dyfodol. Gwelai eglwys Asia, y rhai oeddent y
pryd hyny o dan ei arolygiaeth ef, yn myned i glaiarineb di-
rywiadol. Portreadwyd o flaen ei olygon gan angel, y dirywiad
trwyadl oddiwrth burdeb yr efengyl ag oedd i gymmeryd lle
dros wyneb yr holl ddaear, o dan deyrnasiad "Mam puteiniaid
y byd"—y Babilon fawr, yr hon a wnelai yr holl genedloedd yn
feddw gan win llied ei godineb hi. Efe a welodd, ar ol bod holl
genedloedd y byd mewn tywyllwch dudew am oesoedd yn am-
ddifad o eglwys, heb apostolion, heb brophwydi, heb gael
gweinidogaeth angylaidd, heb fwynhau un genadwri rasol o'r
nef, y cyhoeddid un genadwri o drugaredd i'r holl bobloedd—y
danfonid un oruchwyliaeth o newyddion da o'r nef drwy offer-
ynoliaeth angel, yn cynnwys adferiad yr efengyl dragywyddol,
cyhoeddiad cyffredinol yr hon drwy yr holl fyd, a ddilynid gan
lef yn cyhoeddi, "Daeth awr ei farn Ef." Yn ganlynol i
gyhoeddiad cyffredinol y genadwri rybuddiol hon, gwelodd
angel arall yn cyhoeddi llwyr ddinystyr Babilon. Yn ystod y
cyfnod o amser rhwng chediad y ddau angel hyn, clywodd lais
arall o'r nef yn gwaeddi, "*L'euuch allan a honi hi fy rhobl i*, na
fyddwch gyfranogion o'i phechodau fel na dderbyniech o'i
phlâan." Craffer mai "lais o'r nef" oedd i alw y Saint o Babi-
lon, nid llais na dyfais ddynol, ac nid trwy ddoethineb ddynol
yn unig, eithr trwy "lais o'r nef" dadguddiad uniongyrchol

oddiwrth Dduw—dadguddiad newydd *cyfamserol* i'r ymgasgliad a welodd Ioan, yn galw pobl Dduw allan o'r Babilou gyfamserol, a hyny ond ychydig cyn ei chwmp. Os twyllwr oedd Mr. Smith, pa fodd y deallodd ac y cyd-ymffurfiodd efe yn ychwanegol at yr holl fanylrwydd rhag-grybwylledig, fod rhaid i'r Saiat ymgasglu allan o Babilon, ac y byddai hyny yn ganlynol uniongyrchol i adferiad yr efengyl dragywyddol gan yr angel? Paham na ddywedasai, "Mae fy athrawiaeth yn wirioneddol achubol i'w llyfddion drwy aros yn eu gwlad? Os twyllwr oedd, paham gosod croes mor drom i'w chodi ag yw gan ddynion i adael gwlad a beddrod eu tadau? Paham trywanu llinynau cryfion perthynasol, y rhai yn naturiol a glymiant galonau mor dŷn, ac a wna yn anhawddach ufyddhau i'w alwad? Dywedir yn fynych wrthym, "Yr wyf yn credu ac yn hoffi eich holl egwyddorion oddieithr y myned ymaith o'r wlad; paham na allaf addoli Duw yma yn ogystal ag yn un parth arall o'r byd?" Ymddengys hyn yn rhesymol i'r meddwl dynol; a phaham na ragwelsai Mr. Smith ei fod, drwy orchymyn hyn, yn llyfetheirio ei hudoledigion, ac yntau yn ddigon doeth i ragweled yr holl fanylrwydd perffaith yn mhob peth arall? Eithr pe dysgasai efe ei ganlynwri aros yn mhlith cenedloedd llygredig y byd heb ymgasglu, er y buasai ei holl athrawiaeth ond hyn yn berffaith, buasai yr *un* camsynied hwnw yn brawfanwrthwynebol mair gau oedd ei broffes, ac mai twyllwr a fuasai yntau. Mae dystawrwydd dieithriad holl ddiwygwyr yr oesau mynedol, a'r flaith nad oes neb arall o'r indliynau a broffesant fod yn weision Dduw yn ein hoës ni, yn proffesu eu bod wedi derbyn gorchymyn trwy ddadguddiad i gasglu pobl Dduw, yn brawf mor gadaern ag yw dwyfol brophwydoliaeth na dderbyniodd neb o honynt oruchwyliaeth o'r efengyl dragywyddol, nac awdurdod i sefydlu teyrnas Dduw. Pe cawsent y cyntaf, cawsent hefyd orchynym i gasglu y Saint o Babilon; canys ar eirwiredd Ioan,—yr oedd y naill a'r llall yn gyssylltiedig anwahanol â'u gilydd. Cyn adferiad yr efengyl dragywyddol nid oedd gan Dduw bobl yn Babilon, o ganlyniad ni allasai eu galw hwynt allan o honi.

Mae yn anmosibl i ddyn amddifad o awdurdod ddwyfol, trwy offeiriadaeth anysbyrdoledig, a thrwy bregethu efengyl ddiryw-

iedig fabwysiadu pobl i Dduw yn Babilon, o herwydd mai hwynt-hwy eu hunain yw Babilon, a chan mai,—

“Fel ceir y tad y ceir y plant,
O dyfiant ac o dafod.”

Felly delw Fabilonaid fyddai ar eu proselytiaid neu eu plant mabwysiadol hwythau er pob peth. Wedi adferiad yr efengyl, yr apostoliaeth, a'r gallu anhebgorol yn unig y mae yn ddichonadwy gwnethur dynion yn “bobl i Dduw” yn mhilith cenedloedd Fabilonaid. Wedi ac nid *cyn* hyny y clywid y “Llais o'r nef” yn galw y cyfryw bobl allan o blith y cenedloedd. Er mor annirnadwy oedd hyn oll i holl ddoethineb ddynol y cyn oesau, ni fu guddiedig oddiwrth olygon treiddgar Mr. Smith, ac nid anghofiodd ein hysbysu yn gywir am ei holl fanylrwydd. Onid yw yn rhyfedd, mewn difrif, os nad yn anhygoel, y gallai twyllwr gynnwys yn ei gyfundrefn, fel y gwna hwn, holl athrawiaethau a phob nodwedd a berthyna i oruchwyliaeth fawr y dyddiau diweddgaf. Gwir fod dynion a dreiddiasant am ugeiniau o flynyddau i lyfrgelloedd duwinyddion ac yfed o ddoethineb yr oesau, wedi sefydlu cyfundraethau a gynnwysant lawer o wirioneddau, ac a arddangosant gryn lawer o ddoethineb; eithr wele yma fachgenyn dwy ar bynthege oed, heb ddim o'r manteision hyny, wedi ei fagu yn nghoedwigoedd yr anialweh gorllewinol, heb ganfod sêr, llawer llai hauliau ein ffurfafen foesol erioed, wedi dyfeisio yn ddigymmorth a sefydlu yn llwyddiannus, lgyfundrefn yn groes anghymmodol i'r lleill i gyd, yn annibynol arnynt oll, yr hon sydd yn berffaith efelychiad o'r un ddwyfol yn mhob rhan, egwyddor, a manylrwydd o honi! Twyllwr digyfielyb oedd y bachgenyn hwn onide? Nid ymddengys ei fod yn talu y sylw lleiaf i pa mor groes y dysgai i athrawiaethau poblogaidd ein byd—ni ofynai opiniwn Athrofa na Choleg, ac nid ymgynghorai ag esboniad un esboniwr yn y byd. Nid ystyriodd un dim pa un a oedd ei ddysgeidiaeth yn gydymffurfiol â theimladau nac â phoblogrwydd yr oes. Nid ymholodd ai cydweddol ynte gwrthdarawiadol i deimladau y cyfoethogion fyddai gadael eu palasan, a'u hystadoedd ysplenydd, a'u mhoeth-fyd, na'r gost o ymfudo chwaith. Naddo, nid ymddengys un argoel o'i fod wedi meddwl dim am ymgynghori â chig a gwaed, na pha bethau a fyddent groes i, na

dydwedolol a themladau dydol; eithr yn mhob amgylchiad, efe a lefarodd megys un a feddai awlurdol, gan ddywedyd,—“Fel hyn y dywed yr Arglwydd,” am bob athrawiaeth, dyledswydd, ac addewid a gynnwysai ei gyfundrefn. Yn awr, fod bachgenyn dibrosiad, a diddysg yn proffesu rhoddi gair yr Arglwydd ar bethau mor bwysig—dadguddio athrawiaethau hollol groes i, nid yn unig eisdraddodiadau ei hun, eithr yn groes i athrawiaethau a dysgeidiaeth y sectau lliosoccaf, mwyaf poblogaidd a grymus yr oes, ac ar yr un pryd fod yr athrawiaethau hyn yn hollol gydgordioltâ, nid yn unig yr efengyl gyntefig, eithr hefyd yn gyflawniad perffaith o'r prophwydoliaethau manylaï perthynol i oruchwyliaeth y dyddiau diweddaf, sydd dystiolaeth a garia y gair “Gwionusob” rhy amlwg ar ei gwyneb i'w cham ddeall, ac a ddylanwada yn effeithiol a pharhaus ar y meddwl myfyrgar, fel nad allwn braidd ymattal rhag dywedyd o'r galon, “*Yn ddiddudl mai Duw a ddanfonodd Joseph Smith.*”

Eithr cymwysa 'cenadwri Mr. Smith un nodwedd a flurfia glorian gywir, yn yr hon y dichon y sawl a ddewiso, bwysu a phrofi yn ddiammheuol, pa un ai gau ynte gwir brophwyd oedd efe. Addawodd trwy ddadguddiad a broffesodd gael gan Dduw y byddai i apostolion yr eglwys hon, a'u hufyddion, fwynhau bendithion na allai neb ond Duw eu cyflwyno; gweler Ath. a. Chyf., tud. 80,—“Gan hyny ewch i'r holl fyd, a pha le bynag nis gallwch fyned, rhaid i chwi anfon, fel y byddo i'r dystiolaeth fyned oddiwrthych chwi i'r holl fyd i bob creadur. Ac fel y dywedais wrth fy apostolion, felly yr wyf yn dywedyd wrthych chwi, canys chwi yw fy apostolion, sef archoffeiriaid Duw; chwi yw y rhai a roddodd y Tad i mi,—chwi yw fy nghyfeillion; gan hyny, fel y dywedais wrth fy apostolion yr wyf yn dywedyd wrthych chwi etto, y bydd i bob enaid a gredo yn eich geiriau, ac a fedyddir trwy ddwfr er maeddeuant pechodau, dderbyn yr Ysbryd Glân,—a'r arwyddion hyn a ganlynant y rhai a gredant:—Yn fy enw i gwnant lawer o weithredoedd rhyfeddol; yn fy enw i bwriant allan gythreuliaid; yn fy enw yr iachânt y cleision; yn fy enw i yr agorant lygaid y deillion, ac yr agorant glustiau y byddariaid; a thafod y mudan a lefara; ac os rhydd neb wenwyn iddynt, ni wna iddynt ddim niwed; ac ni chaiff gwenwyn sarff allu i'w nhiweidio lwynt.”

Ond gorchymyn yr wyf yn ei roddi iddynt hwy, nad oes iddynt ymfrestio yn y pethau hyn, na'u llefaru gerbron y byd, canys y pethau hyn a roddir i chwi er eich lles ac er eich iachawdwr-iaeth. Yn wir, yn wir, meddaf i chwi, y rhai na chredant ar eich geiriau chwi, ac na feddyddir mewn dwfr yn fy enw i, er maddenant o'u pechodau, fel y derbyniont yr Ysbryd Glân, a ddenmir, ac ni chânt ddyfod i deyrnas fy Nhad, lle y mae fy Nhad a minnau." Gweler yma ein Prophwyd olaf hwn yn rhuthro yn cofn drwy guddleni y caddug ar chwarcwlawr ein byd, ac yn rhoddi addewid bendant ar gyhoedd yr holl fyd i bob enaid, gwryw a benyw, cyfoethog a thlawd, o bob lliw, llwyth, a gwlad, a ufyddia i'w genadwri—addewid, meddwn, na feiddia yr un twyllwr ei rhoddi ar unrhyw ammodau gydag un gradd o obaith y cyflawnid hi. Addewid annichonadwy i alluoedd dynol ein daear ei chyflawni, o ganlyniad, y mwynhâd o'r hyn a addawa efe a fyddent yn feithiau dwyfol brofedig o'i ddanfoniad. Pe addawai twyllwr y bendithion a enwyd i'w ganlynwyr, dysgai ei synwyr ef na chaffent gyflawniad o hon- yut. Profa Mr. Smith ei hun yn anhebycach i dwyllwr drwy addaw y bendithion nag y profa eu gwadwyr eu hunain. Pe gredai ei hun yn ei ddwyfol ddanfoniad cyn y meiddiasai addaw pethau na allasai neb ond Ddu eu cyfrannu. Yn awr, pe na riasai yr arwyddion hyn yn canlyn yn ol ei addewid, buasai y cannoedd o filoedd a ufyddhasant i'w genadwri yn rhwym o fod yn gwybod drwy hyn y mai twyllwr oedd Mr. Smith,—troiasai pob enaid oddiwrtho yn y fan, a chawsid diwedd ar y twyll. Eithr mae y ffaith o ufydd-dod lluoedd i'w genadwri yn flynyddol, a'u hymlyniad wrth yr eglwys yn dystiolaeth gadarnhaol o gyflawniad yr addewid—fod yr Ysbryd Glân yn cael ei fwynhau, ac y fod arwyddion gwyrthiol yn canlyn hefyd. Nid yw gwadiad y deillion sydd tu allan yn un prawf nad ydynt o'r tu fe yn i'r eglwys lle y perthynant, ddim mwy nag a fyddai gwadiad deillion yr heol o fodoldeb y cefi mewnol yn brawf nad oeddynt yn y tŷ. A feiddia rhyw dwyllwr, blaenor plaid, Arch Esgob, neu un dyn o fewn y byd, a amnheua ei ddanfoniad ei hun, roddi yr addewid flaenorol i'w ufyddion? A glywir yr addewid hon yn cael ei chyhoeddi gan rywun o bwlpu dau ein gwlad? O, na chlywir, ni feiddiant addaw dim o'r fath brawfiadau â hyn o ddwyfol ddanfoniad; gwyddant

yn ddiddadl y dadymchwelai ac y dynoethai hyny foelni a gwarth eu gau grefyddau dynol, anysrydoledig a dinerth hwynt; hawddach celu eu cywilydd a'u cyfeiliornadau drwy haeru "Nad oes eu heisieu er yr oes apostolaidd," ac mai rhyfyg yw eu haddaw. O! ffolineb! eisieu crefydd ddwyfol ac etto ddim eisieu prawfiadau dwyfol o ba un yw hono! Dim anghen iachâu cleifion, aie? I ba ddyben y mae miloedd meddygon ein gwlad? Dim anghen dadguddiadau presennol? I ba ddyben arall y mae anghen yr Ysbryd Glân, ynte? O, y gwahaniaeth dirfawr sydd rhwng crefydd Mr. Smith â Phabyddiaeth, Protestaniaeth, Mahometaniaeth, a phob aeth au-grefyddol arall—rhwng ei awdurdod ef ag awdurdod duwinyddion sectyddol ein byd! Addawa y naill i'w ganlynwyr fwynhâd o holl ddoniau yr Ysbryd Glân, a gwybodath o'i ddwyfol ddanfoniad, tra y gwada y lleill i gyd holl rym crefydd, hyd nes y maent megys soff sychion yn aros y tân, ac yn dysgu ar y goreu ond i *ammheu* a byw mewn *ofnau* a *dychrynfeydd* diddarfod.

Wedi galw sylw at yr ychydig hyn, o lawer o'r tystiolaethau a feddir o ddwyfol ddanfoniad Joseph Smith, ychwanega yr awdwr ei dystiolaeth fod Duw wedi profi y ffaith hon iddo ef mewn llawer dull uwch-dynol, a thystia miloedd hyny drwy ein gwlad. Ufyddhaer i'w genadwri a mwynheir ei haddewidion, drwy yr hyn, gall *pob un wybod* mai chwedlau anwireddus yw yr oll a draethir yn erbyn cymmeriad Joseph Smith a'i gyfundrefn; a'i gwnelo a fydd cadwedig; a wrthodo, a euog fernir gan y tystiolaethau hyn o flaen y Duw a ddanfonodd Joseph Smith.

Ar i'r tystiolaethau hyn dan arddeliad Ysbryd y gwirionedd, argyhoeddi y darllenpydd i ufyddhau i'r galwad dwyfol hwn, a mwynhau tystiolaeth yr Ysbryd Glân megys ninnau, gweddia

YR AWDWR.

